



**MEĐUNARODNA NAUČNA KONFERENCIJA
SARAJEVSKI FILOLOŠKI SUSRETI 6
(SARAJEVO, 28-29. 10. 2021)**

Poziv za učešće

Sarajevski filološki susreti jesu međunarodna naučna konferencija čiji je organizator Bosansko filološko društvo u Sarajevu. Riječ je o naučnom skupu iz oblasti filologije, tj. lingvistike i nauke o književnosti, koji se održava svake druge godine u Sarajevu. Prvi Sarajevski filološki susreti održani su 2010. godine. U radu dosadašnjih pet konferencija učestvovalo je više od 350 istraživača iz desetak evropskih zemalja.

Sarajevski filološki susreti 6 bit će posvećeni sljedećim temama:

I. Lingvistika

- 1. Komunikacijska perspektiva jezika (Jezik i komunikacija)*
- 2. Tekstološke karakteristike bosanskih srednjovjekovnih rukopisa*
- 3. Gramatičke i semantičke kategorije rečenice*

II. Nauka o književnosti

- 1. Književnost i globalizacija*
- 2. Stari tekstovi i nova čitanja u književnosti Bosne i Hercegovine*

Sarajevski filološki susreti 6 održat će se **od 28. do 29. 10. 2021. godine**. Konferencija će biti održana na Filozofskom fakultetu u Sarajevu ukoliko epidemiološka situacija bude zadovoljavajuća; u protivnom će biti organizirana online, odnosno kombinirano. Učesnici će do **15. 9. 2021. godine** biti obaviješteni o konačnom formatu održavanja skupa.

Uz bosanski jezik, radni su jezici konferencije i svi drugi slavenski jezici te engleski jezik.

Prijave za učešće na konferenciji podnose se na jeziku konferencijskog izlaganja isključivo putem **elektronskog prijavnog obrasca** koji ste dobili uz ovaj poziv, na adresu sarajevskifiloloskisusreti6@gmail.com, najkasnije do **15. 6. 2021. godine**. Obavještenje o prihvatanju učešća učesnici konferencije dobit će najkasnije do **15. 7. 2021. godine**.

Učesnici konferencije sami snose putne troškove te troškove boravka u Sarajevu. Organizator će učesnicima pružiti pomoć i poslati sve potrebne obavijesti u vezi sa smještajem i boravkom u Sarajevu. Učesnici konferencije bit će uredno obavještavani i o drugim pojedinostima važnim za njihov boravak u Sarajevu i učešće na konferenciji.

Kotizacija za učešće na konferenciji iznosi **80 KM (40 eura)**, a za doktorande **40 KM (20 eura)**. Kotizacija se plaća prilikom registracije prvoga dana konferencije. Plaćanjem kotizacije učestvujete u pokrivanju troškova konferencije te pripreme i štampanja zbornika radova.

Preliminarni program konferencije bit će dostupan najkasnije do **15. 9. 2021. godine**, dok će konačni program konferencije učesnici dobiti najkasnije do **10. 10. 2021. godine**.

Prihvaćena konferencijska izlaganja bit će objavljena u zasebnom zborniku konferencijskih radova u izdanju Bosanskoga filološkog društva. Konačne verzije konferencijskih izlaganja namijenjene objavljivanju u zborniku radova trebaju biti dostavljene u elektronskom obliku na adresu elektronske pošte sarajevskifiloloskiskusreti6@gmail.com najkasnije do **1. aprila 2022. godine**. Cjelovite upute za oblikovanje konačnih verzija konferencijskih izlaganja namijenjenih objavljivanju u zborniku dostupne su na internetskoj stranici organizatora www.bfd.ba.

Za sve dodatne obavijesti i pojašnjenja potrebno je obratiti se na adresu elektronske pošte sarajevskifiloloskiskusreti6@gmail.com.

Predsjednik Organizacionog odbora

Prof. dr. Halid Bulić

Sekretar Organizacionog odbora

Elmir Spahić, MA

Organizacioni odbor

Prof. dr. Munir Drkić

Dr. Azra Hodžić-Čavkić

Prof. dr. Adnan Kadrić

Prof. dr. Sanjin Kodrić

Prof. dr. Ksenija Kondali

Prof. dr. Munir Mujić

Prof. dr. Ismail Palić

Prof. dr. Vahidin Preljević

Prof. dr. Mirza Sarajkić